

## اۆلكه‌نين اولدوز و فيزيك اختر قوطبي مراغه‌ده يارانير

مراغه‌نين اولدوز و فيزيك اختر تحقيقات مركزي‌نين رييسي، علوم ويزارتي‌نين مراغه‌ده، اۆلكه‌نين اولدوز و فيزيك اختر قوطبي ياراتماغا موفق اولدوغوندا خبر وئردى.

فارس خبرگوزاري‌سي‌نين تيريزدن وئردىغي گوزارشه گۆره، پورفوسور على عجبشيرزاده خبرنيگارلارينا دانيشيقدا دئدى: مراغه مركزي‌نين يوخاري علمي و تحقيقي ظرفيتلري باغيث اولدو مراغه اۆلكه‌نين اولدوز و فيزيك اختر قوطبي تانينسين.

او دئدى: بو مركزين 82-جي ايلينده ايشه باشلاماسيندا اينديبه‌جن 309 تحقيقي طرح اولدوز و فيزيك اختر زمينه‌سينده مراغه‌ده اجراي قويلوب كي اونلاردان 234 تحقيق isi دا چاپ اولوب.

مراغه‌نين اولدوز و فيزيك اختر تحقيقات مركزي‌نين رييسي هابئله بو مركزين بو ايلين بهمينيند دوكتورا سطحينده دانيشجو قبول ائله‌ماغيندا خبر وئردى و آرتيردى: بو ايل اولدوز و فيزيك اختر ريشته‌سينده دوكتورا سطحينده تحقيق‌محور دانيشجو قبول ائديله‌جاق.

او دئدى: مراغه‌نين اولدوز و فيزيك اختر تحقيقات مركزي تحقيقي طرحلرين انجاميندا 26 مركز آراسيندا 5-جي روتبه‌ده‌دير.

مراغه‌نين اولدوز و فيزيك اختر تحقيقات مركزي‌نين رييسي، مراغه‌ده اولدوز و فيزيك اختر تحقيقات ائوي‌نين يارانماسيندا خبر وئرب آرتيردى: علوم ويزارتي طرفيندن لازيم اولان اعتبار تامين اولسا بو تحقيقات مركزي دوزلديله‌جاق. ايدامه‌ده عجبشيرزاده بو مركز طرفيندن اولدوز و فيزيك اختر زمينه‌سينده 5 كيتابين چاپ اولماسيندا خبر وئردى.